



9. maj 2017

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

1. Avataasiorluni raajartassanik ataasiakkaatut pigisaqalersimaneq inuiaqatigiinnut tamakkiisumik sutigut sunniuteqarnerluppa aammalu sunniutigissaarpa.
2. Raajartassaatillit pisassamik piasisinnaanngisamik ilaat aalisartoqamminnut tuneqqittarpaat ukiumut tamanna aningaasangorlugu qanoq annertutigisumik piginnittunit iluanaarutigineqartarpa?
3. Pitsaasuaa raajartassat piasisinnaanngisat inuiaqatigiit akornanneersunut nunatsinnilu najugaqartunut tunineqaqqittarneri?
4. Raajartassanik piasisinnaanngisanik pisisitsarnerit akitsuusiisarnissat naalakkersuisunit orniginartinneqarpa?
5. Raajartassat piasisinnaanngisat tuninerini akinik aalajangersaasoqarnissaa Naalakkersuisunit pisariaqarsorineqarpa?

(Inatsisartuni Ilaasortaq Hans Aronsen, Inuit Ataqatigiit)

### Tunggavilersuut:

Ilisimasatsitut raajartassat piasisinnaanngisat tuneqqinneqartarput, kikkunnulluukua tuneqqinneqartartut aamma paaserusunnartoq. Inuiat Kalaallit Aalisarnej qamanngavik naleqartitaraat iluatinnarluinnartoq, tamannalu tungavingalugu aalisarnermik aqqissuusineri sinaakkusiiniarnermi naleqartitat naalakkersuinikkut pingaartinneqartariaqarlutik.

Ilisimavarput sinerissap qanittuani raajarniat mikinerusut juni julimiilluunniit pisassaarukkaangami pisassanik piasarnerit aallartittartut (tamanna raajarnianit oqaloqateqarnikkut paasinikuuara). Tamanna imatut paasinikuuvara. Soorunami sinerissap qanittuani aalisartut nutarterinissaminnut ineriartoqqinnissaminnullu ajutoorutigisinnaasaraat, allaat akiliisinnaajunnaarutigisaraat.

Inoqarfippassuaqaratta siusinnerusukkullu raajarniarnej kommunini tamani iluaqutaangaatsiarsimaqisoq taakkununga periarfissiissutigeqqikkaanni suli iluaqutaasinnaammat soqutingalugu taama apeqquteqarpunga.

Ullut suliffiusut qulit qaangiutsinnagit akineqarnissara kissaatigivara.